



**Regulativ da taxas tier la
lescha davart igl
allontanament e la
purificaziun dallas auas**

Tenor la lescha davart igl allontanament e la purificaziun dallas auas, art. 24, vegn incassau suandontas taxas:

1. Taxa da colligazion (art. 27)

Quella taxa vegn incassada sin fundament dalla calculaziun della valeta nova tenor schazetg ufficial e munta:

	canalisaziun	serenera
■ Classa 1 d'objects Edifecis cun in grond consum d'aua sco casas da malsauns, casas d'attempai, casas da tgira, interpresas da loschament (hotels, pensiuns, campadis e.a.v.), ustrias, restaurants, cascharias, mazlarias, menaschis da garascha pagan ina contribuziun unica da:	1.75 %	1.25 %
■ Classa 2 d'objects Edifecis cun in consum d'aua mesaun sco casas d'habitar, objects da mistregn, edifecis da commerci (pasternarias, coiffeurs, pratica da miedis e.a.v.) casas da scola, edifecis publics da sport, pagan ina contribuziun unica da:	1.75 %	1.25 %
■ Classa 3 d'objects Edifecis cun in pign consum d'aua sco administraziuns, biros, stizuns senza ustria, magasins da victionarias, remisas da material, baghetgs d'economia, baghetgs annexs (garaschas, bargias e.a.v.), garaschas sutterranas, edifecis industrials, edifecis da sport e recreaziun privats pagan ina contribuziun unica da:	1.50 %	1.00 %
■ Classa 4 d'objects Baselgias e capluttas, museums pagan ina contribuziun unica da:	1.25 %	0.75 %

L'enumeraziun dils objects tenor classa 1 - 4 vala sco directiva. En cass extraordinaris sa vegnir risguardau in'altra classa d'objects aschinavon che quei ei giustificau sin fundament dil diever d'aua.

2. Taxes annualas (art. 31, 32, 33 e 34)

2.1 Taxa fundamentala annuala

Quella taxa vegn incassada sin fundament dalla calculaziun della valeta nova tenor schazetg ufficial. Ella ha da cuvierer 50 % - 75 % dils cuosts visai ora en la contabilitad e vegn quintada sin fundament dil schazetg ufficial indexau. Il pertschien e la classa d'objects vegnan fixai dalla suprastonza communal.

■ Classa 1 d'objects Edifecis cun in grond consum d'aua sco casas da malsauns, casas d'attempai, casas da tgira, interpresas da loschament (hotels, pensiuns, campadis e.a.v.), ustrias, restaurants, cascharias, mazlarias, menaschis da garascha pagan ina taxa annuala da:	0.5 %o	-	1.2 %o
■ Classa 2 d'objects Edifecis cun in consum d'aua mesaun sco casas da habitar, objects da mistregn, edifecis da commerci (pasternarias, coiffeurs, pratica da miedis e.a.v.) casas da scolas, edifecis publics da sport, pagan ina taxa annuala da:	0.3 %o	-	0.9 %o
■ Classa 3 d'objects Edifecis cun in pign consum d'aua sco administriziuns, biros, stizuns senza ustria, remisas da material, baghetgs d'economia, baghetgs annexs (garaschas, bargias e.a.v.), garaschas sutterranas, edifecis industrials, edifecis da sport e recreaziun privats pagan ina taxa annuala da:	0.2 %o	-	0.6 %o
■ Classa 4 d'objects Baselgias e capluttas, museums, pagan ina taxa annuala da:	0.1 %o	-	0.3 %o

L'enumeraziun dils objects tenor classa 1 - 4 vala sco directiva. En cass extraordinaris sa vegir risguardau in'altra classa d'objects aschinavon che quei ei giustificau sin fundament dil diever d'aua.

2.2 Taxa da consum

Quella taxa vegn incassada sin fundament dil consum d'aua. Ella ha da cuvierer 50 % - 25 % dils cuosts visai ora en la contabilitad e vegn quintada sin fundament dil consum d'aua. Il pertschien vegn fixaus dalla suprastonza communal.

a) tuts implorts colligai tenor l'indicaziun dil dumbrader		frs./m ³ 0.30 - frs./m ³ 1.60
b) per implorts buca colligai tenor cubatura dall'aua tschuffa e restonzas ord sereneras pintgas, furnida alla serenera Zavragia (senza transport)		frs./m ³ 60.00 - frs./m ³ 300.00
c) la taxa pauschala da consum (art. 32 al. 5)		frs. 20.00 - frs. 100.00 per persuna

3. Affitaziun dil dumbrader d'aua

Taxa annuala per cuvierer ils cuosts che sedattan ord la cumpra, montascha ed il manteniment dils dumbraders.	frs. 25.00 - frs. 50.00 per in dumbrader pign ($\frac{3}{4}$ - $1\frac{1}{4}$ zoll) frs. 30.00 - frs. 200.00 per ulteriurs dumbraders
---	---

Quest regulativ ei vegnius approbaus ensemens cun la lescha davart igl allontanament e la purificaziun dallas auas a caschun dalla radunanza communal dils 19 da zercladur 2015 e passa en vigur cun igl 1. da schaner 2016.

Il president communal

sig. Armin Candinas

Il canzlist communal

sig. Patrick Schaniel